

四庫全書

子部

欽定四庫全書

子部

六藝之一錄卷七十八至

詳校官中書臣陸湘

貢外郎臣牛稔文覆勘

總校官檢討臣何思鈞

校對官中書臣陸湘

謄錄監生臣陳炳

欽定四庫全書

六藝之一錄卷七十六

錢唐倪濤撰

石刻文字五十二

唐碑

釋氏一

德州長壽寺碑

八分書無書撰人姓名武德六年五月

金石錄

右德州長壽寺碑不著書撰人名氏武德中建而所

述乃隋事也其事迹文辭皆無取獨錄其書爾余屢

歎文章至陳隋不勝其弊而怪唐家能臻致治之盛而不能遽革文弊以謂積習成俗難於驟變及讀斯碑有云浮雲共嶺松張蓋明月與巖桂分叢迺知王勃云落霞與孤鶩齊飛秋水共長天一色當時士無賢愚以為警絕豈非其餘習乎

集古錄

鎮嶽靈仙寺碑

薛收撰正書無姓名貞觀元年

金石錄

幽州昭仁寺碑

朱子奢撰正書無姓名貞觀三年

金石錄

諫議大夫朱子奢撰不著書人名氏及立石年月唐太宗即位其平生戰伐之地皆立寺為戰死者祈福昭仁寺者嘗破薛舉處也

集古錄目

右昭仁寺碑在邠州唐太宗與薛舉戰處也唐自起義與羣雄戰處後皆建佛寺云為陣亡士薦福湯武之敗桀紂殺人固亦多矣而商周享國各數百年其荷天之祐者以其心存大公為民除害也唐之建寺

外雖託為戰亡之士其實自贖殺人之咎爾其撥亂
開基有足壯者及區區於此不亦陋哉碑文朱子奢
撰而不著書人名氏字書甚工此余所錄也

集古錄

右昭仁寺碑唐守諫議大夫騎都尉朱子奢撰歐陽
公愛其字畫甚工惜無書人氏名金石錄嘗載其目
亦不言其為何人書也惟通志金石畧以為虞永興
書永興書之傳世者有孔子廟堂碑然與此不類而
金石畧乃謂出於虞公當必有所據昭仁寺在邠州

西八十里昔唐太宗與薛舉戰爭之處正德癸酉予
以使事道邠得搨其本字書完好若初刻者真可寶
也朱公子鄉先生唐史有傳其文字人間罕存可見
者僅有此爾

金旌
琳琅

碑在長武縣朱子奢撰無書者姓氏余觀其筆法大
類廟堂廟堂豐逸此稍瘦勁廟堂五代重勒此伯施
真蹟也歐公亦不言誰書鄭樵直以為伯施都立敬
謂必有據而曹明仲曰歐陽通書通書道因諸碑殊

與此不類按舊唐書貞觀三年詔建義以來交兵處
為殞身戎陣者各立一寺令虞世南朱子奢等為之
碑此破薛舉處也又通本傳少孤母徐氏教以父書
儀鳳中始知名貞觀三年至儀鳳元年四十八年道
因碑書在龍朔三年去貞觀三年亦三十五年則此
非通書明甚而虞與朱同事其為虞書無疑曹明仲
又以虞恭公碑在宜祿巡檢司虞恭公溫彥博也陪
葬昭陵碑正在醴泉宜祿巡檢司即今長武縣明仲

蓋誤以昭仁為恭公耳且恭公碑亦是信本書非通

也明仲之誤如此據其言者可謂無目矣

石墨
鐫筆

右朱子奢撰文不著書人姓名鄭漁仲以為虞永興而都玄敬亦信之余謂筆勢與永興不類雖規模永禪師而有風骨或恐即朱公所書不可知也

玄牘
記

昭仁寺碑今在長武縣距邠州西八十里唐太宗與薛舉戰爭之地按舊唐書貞觀三年十二月癸丑詔建義以來交兵之處為義士勇夫殞身戎陣者各立一

寺命虞世南李百藥褚亮顏師古岑文本許敬宗朱
子奢等為之碑銘以紀功業此其一也

金石文
字記

呂州普濟寺碑

許敬宗撰正書無姓名貞觀三年立

金石
錄

右呂州普濟寺碑呂州者霍邑也唐高祖義兵起太
原始破宋老生於此義熙元年乃以霍邑趙城汾西
靈石四縣置霍山郡武德元年更曰呂州太宗十七
年遂廢也

集古
錄

等慈寺碑

顏師古撰正書無姓名貞觀三年立

金石錄

秘書少監顏師古奉勅撰不著書人名氏初太宗東
伐王世充竇建德來救破之於汜水及即位有詔嘗
破敵之處皆建寺以為戰死者資福此其一也碑以

貞觀三年立

集古錄目

其寺在鄭州汜水唐太宗破王世充竇建德乃於其
戰處建寺云為陣亡士薦福唐初起兵破賊處多大

抵皆造寺自古創業之君其英豪智畧有非常人可
及者矣至其卓然信道而知義則非積學誠明之士
不能到也太宗英雄智識不世之主而牽惑習俗之
弊猶宗信浮圖豈以其言浩博無窮而好盡物理為
可喜耶蓋自古文姦言以惑聽者雖聰明之主或不
能免也惟其可喜乃能惑人故余於本紀譏其牽於
多愛者謂此也

集古錄

正解寺碑

李百藥撰八分書無姓名貞觀四年正月

金石錄

昭福寺碑

在永平縣西南十里洺水南唐貞觀四年立岑文本

詞

寰宇記

弘濟寺碑

李百藥撰正書無姓名貞觀十四年七月

金石錄

右唐弘濟寺碑在今汾州據唐會要此碑李百藥撰

唐太宗初即位下詔於建義以來交兵之處為義士

堯徒殞身戎陳者各建寺刹分命儒臣為銘凡七碑
余所得者汜水等慈呂州普濟幽州昭仁與此碑凡
四而虞世南褚遂良所撰今皆亡矣

金石錄

瑤臺寺碑

許敬宗撰諸葛思禎正書貞觀十八年

金石錄

齊興寺碑

正書無書撰人姓名龍朔二年六月

金石錄

寶義寺碑

正書書撰人姓名殘缺乾封三年正月

金石錄

智乘寺碑

阮立德撰李承福正書咸亨元年

金石錄

智乘寺禪院碑者唐鄭惠王所作也惠王名元懿高祖第十三子也有子十人列於碑後而第五子樂陵公闢其名按唐書宗室世系表樂陵公名球不知碑何為獨闢也今唐書於年表以嗣王敬為璿樂平公珪為樂安公新平公璿為遂三者皆史家之失當以

碑為正世系譜牒歲久傳失尤難改正而碑碣皆當時所刻理不得差故集古所錄於前人世次是正頗

多也

集古錄

長子智乘院碑唐鄭王文學阮立德譔李承福書碑成於咸亨中則天帝時也考次鄭王元懿高祖第三子武德四年分國於滕出刺沅州貞觀七年徙鄭十七年持潞州節改絳州一年再持節潞州復持節絳州所至以能稱善決大獄高宗褒以優詔當其時

鄭王名重於朝廷為宗室表顯慶元年持節安沔隨
郢安州刺史此其所歷也唐書惟叙鄭潞絳三州不
言再持潞絳節其為安州刺史亦不著也子敬嗣國
新舊書皆作璵蓋因其弟琳顯名疑皆從玉也唐宗
子皆以材任職而敬之三世為夷簡為宗閔琳之再世
為勉皆位宰相其在當世至顯而史所書若此其可
勝考耶然琬珪琰璿璿珩碑皆不具而別見于龕石
此宜史官不能備錄也

廣川書跋

延福寺碑

在鄆鄉縣乾明寺上元元年王府功曹沈長卿撰

與地

目碑

開業寺碑

李尚一撰蘇文舉正書開耀二年二月

金石錄

開業寺者後魏司徒李裔所立謂之隱覺寺周廢佛法以寺賜裔孫祖元隋初復立為寺貞觀中賜名開

業碑以開耀二年二月立在元氏

集古錄目

天后少林寺碑

王知敬正書永淳二年九月

金石錄

中山法果寺碑

姚璿撰鞠虔信正書垂拱二年

金石錄

赤松巖寺碑

進士劉虔仁撰垂拱四年六月立

諸道石刻錄

永和故寺碑

僧仲英撰正書聖歷二年七月

金石錄

薦福寺譯經大德神英撰朝議郎晉州洪洞縣丞

缺

敬元書聖歷三年七月建

寶刻
叢編

懷州大雲寺碑

賈膺福撰并八分書大足元年五月

金石
錄

右周大雲寺碑賈膺福撰并八分書其筆法精妙可

喜按舊唐史云武后鑄九鼎圖寫山川物象命工書

人賈膺福薛昌客李元振鍾紹京等分題之紹京之

書世固多有膺福筆蹟雖僅存然世亦未有稱之者

如昌客等書遂不復見以此知士所以自著於不朽

者果在德而不在藝也

金石錄

大雲寺碑陰記

蕭懷素正書長安二年立附

金石錄

飛泉山院碑

神龍元年立在隆州超覺寺

輿地碑目

龍興寺碑

張說撰盧藏用八分書景龍四年五月

金石錄

兵部侍郎修文館學士張說撰吏部侍郎修文館學士盧藏用八分中宗初復位天下州郡皆置龍興寺

一所此碑以景龍四年五月立

集古錄目

龍興寺碑陰

薛融書檢校陳州刺史韓琦等題名凡五十六人又

有僧惠明等題名十六人別體書不著名氏

集古錄目

杭州龍興寺碑

盧季珣撰李涉八分書景龍四年四月

金石錄

普光王寺碑

碑云僧伽以景龍四年三月入滅於京孝和皇帝申
弟子之禮百官四部哀送國門甚哉中宗之陋也佞
佛之流謂武宗奮然除去浮圖法用是不永今中宗
奉僧伽可謂至矣後三月竟棄天下其又何言

集古
錄目

天竺寺碑

蘇頌撰蘇說八分書景雲元年十月

金石
錄

荷恩寺碑

裴耀卿撰序顏溫之銘景雲三年

京兆金石錄

襄州遍學寺碑

韋承慶撰鍾紹京行書開元二年

金石錄

黃門侍郎韋承慶撰太子詹事越國公鍾紹京書將

仕郎阮弘靖建禪院於遍學寺以開元二年立此碑

集古錄目

鍾紹京書按書苑紹京者鍾繇十五世孫按姓纂繇

弟演生玄孫雅雅五代孫韜韜孫寵寵曾孫法威生

紹京乃鍾演十五世孫繇十五世之姪孫耳武后時
題諸宮殿明堂及銘九鼎俱紹京筆當時呼為小鍾
景龍間以誅韋氏拜中書令朝廷稱其功勲忠鯁筆
翰為三絕明皇在藩邸愛重其書及即天子位復拜
戶部尚書太子詹事此碑開元二年立

集古
後錄

其文云襄州人將仕郎阮弘靖與其屬人建徧學寺
禪院故立此碑承慶有詞學張易之敗時承慶以附
託方待罪衆推令草赦書承慶援筆而成衆壯之紹

京景龍中以苑總監從討韋氏有功唯嗜書家藏王
羲之獻之褚遂良書至數十百卷以善書直鳳閣武
后時榜諸宮殿明堂及銘九鼎皆紹京書也其字書
妍媚道緊有法誠少與為比然今所見特此碑尚完
尤為可愛也徧學寺於宇文周為常樂寺於今為開

元寺

元豐題跋

睦州龍興寺碑

康希銑撰徐嶠之正書開元三年二月

金石錄

景星寺碑

容州都督盧藏用撰并分書篆額開元四年立

諸道石刻

錄

建福寺三門碑

盧藏用撰集王右軍行書開元五年正月

金石錄

中書舍人盧藏用撰前華州鄭縣尉吳光璧集王羲

之行書建福寺在滑州酸棗縣開元中寺僧增葺之

并建三門初成故曰頌成碑以開元五年正月立

集古

目錄

唐興寺碑

開元六年歲次戊午九月壬辰朔二日癸巳建 右

唐唐興寺碑殿中侍御史許景先撰寺在山西聞喜

縣縣令于光庭為移置之景先之文由是而作光庭

之在聞喜不聞其有善政而乃汲汲為僧移寺非賢

令也

金 璠
琳 琅

嘉禾寺禪院碑

徐楚璧撰姚思義八分書開元八年八月

金石錄

神德寺碑

八分書不著書撰人名氏神德寺故後魏之會同寺也唐垂拱三年有司奏自華原之石門山徙于祿祠城北魏龍華寺故基而立之碑以開元八年立

集古錄目

大雲寺禪院碑

李邕撰并行書開元十一年四月

金石錄

右大雲寺禪院碑李邕撰并書初武后時有僧上大

雲經陳述符命遂令天下立大雲寺至開元二十一年詔改為開元寺此碑十一年建故猶稱大雲也

金石

錄

香嚴寺碑

康希銑撰徐嶠之正書開元十一年六月

銀青光祿大夫康希銑撰趙州刺史東海徐嶠之書

香嚴寺者本梁賈思舊宅其妻捨充梵宇舊名同惠

神龍中改而署焉碑以開元十一年六月立

寶刻叢編

嶽麓寺碑

李邕撰并行書開元十八年九月

金石錄

岳麓寺碑李邕書石刻在長沙余前後得十數本皆
紙墨糊塗甚至不可辨識蓋打碑必得善工而湖湘
善工獨難過長沙同知李吉特為余致此本故視前
所得差勝也

東里續集

余友俞仲蔚為余言李北海岳麓寺碑勝雲麾余亟
購得之僅可讀耳其鈎磔波撇雖不能復尋覽其神

情流放天真爛熳隱隱殘楮斷墨間猶足傾倒眉山
吳興也題名稱前陳州刺史按邕謁上太山還獻詞
賦上悅會有仇人發其贓者張說忌之下獄論死許
昌男子孔璋救之得免謫尉遵化此其赴謫時道書
也碑文頗庸陋又於杜拾遺集見其一詩擇語殆不
可曉何以負干將莫邪稱於世耶米元章評其書如
乍富小民屈強生疎此語殊未當書故佳小佻耳邕
以纖文獲名以虛名獲死以佳書獲譽皆所不虞者

因附識之

弇州山人彙

是碑筆勢雄健在雲麾之上刻字亦出公手大凡李

公書言黃鶴仙伏靈芝元省己者皆託名也

玄牕記

此碑俞仲蔚謂勝雲麾王元美謂殘楮斷墨猶足傾
倒眉山吳興余初未見一日遊長安有書賈持一碑
來售余知其為北海書亟伸之則岳麓寺碑也雖漫
漶然筆意猶存亦不能勝雲麾差伯仲耳雲麾下半
已無字上半存者乃如新此碑雖首尾皆可讀而鈎

磔波撇不復可尋當是石理有堅脆也

石墨
鐫筆

東林寺碑

李邕撰并行書開元十九年七月

金石
錄

孝義寺碑

陳徐陵撰徐嶠之正書開元二十二年正月

金石
錄

孝義寺碑陰記

徐嶠之撰并正書

金石
錄

陳人徐陵撰十世孫徐嶠之正書在烏程

復齋
碑錄

冶山祇園寺碑

在六合碑以開元二十二年建

輿地
碑目

補東林寺碑

北海此書本小東法度再經摹刻雖鼻目無異脂澤
有加而天骨掃地矣所謂韓生貌趙郎不得情性者
也余晚自廬山歸東林程孟儒馳視之以為絕奇即

此碑也

介州山
人索

廬山自遠公開社殷仲堪作記後此碑最佳故裴中

丞題有覽北海詞翰想見風彩之歎此後又有米元章蔣之奇題名合三公觀之可以知李公書價當與

匡廬並永矣

玄牘記

北海碑版布彌天下惟東林今完元日重刻也元刻固佳此更未經改刻之先宋搨本也較之元刻精神倍之中殘壞者異益等數字及末十餘字耳而元所補此諸字則大不稱余每欲摹元刻以補此本又恐為古搨之累尚俟臨池得力之後於臨本中補之耳

篆題四字古雅蘊藉不顯姓氏豈即北海手乎或古
裝日失之乎東林古名地自太元遠師呼延同德清
風高韻幾與首陽嚴瀨同仰恨不足躡其藩一想髣
於夢寐二月之七日

墨林
快事

補孝義寺碑陰記

右唐孝義寺碑陰記初陳徐陵為孝義寺碑至開元
二十三年徐嶠之為湖州刺史再書而刻之因記
其事于碑陰嶠之自云陵十世孫按陳書陵以後主

至德元年卒距開元二十三年才百五十餘年不應已有十世孫又據嶠之父高行先生碑云曾祖儼梁岳陽王參軍則是儼與陵同時而在其前不應為陵五世孫以此碑陰所書可疑然其筆法精妙非嶠之不能為特恐書碑時誤耳

金石錄

秦望山法華寺碑

李邕撰并行書開元二十三年十二月

金石錄

近於中書舍人劉素家見北海秦望山法華寺碑溫

潤清麗法華故在紹興府寺及碑皆久燬甚可惜也

東里
續集

李北海以岳麓雲麾娑羅為勝而是本重刊於木故
丰神稍失末稱刻石人東海伏靈芝乃公所托名也
余友淵泉兄出所收本以觀敬為題其後如此
記

普照王寺碑

李邕撰并行書開元二十四年二月

金石錄

實諦寺碑

撰人姓名殘缺蘇靈芝行書開元二十六年六月

金石

錄

日愛寺碑

何榮光書開元二十六年立

訪碑錄

淄州開元寺碑

李邕撰并行書開元二十八年七月

金石錄

唐淄州刺史李邕撰并行書開元寺隋所建本名正等

唐初改曰大雲中宗初沙門玄治重修又改曰神龍

寺玄宗親書額改為開元碑以開元二十八年七月

立

集古錄目

右唐淄州開元寺碑李邕撰并書碑初建於本寺後人移置郡廨敗屋下余為是州遷于便坐用木為闌

楯以護之云

金石錄

嵩嶽寺碑

開元二十七年胡英書石僧懷仁摸集右軍頗見精

熟其徒有胡英效之亦以書石

墨池編

右嵩嶽寺碑唐淄州刺史李邕撰胡英書英之書世所重也其文云寺後魏孝明帝之離宮初名閑居寺仁壽二年改為嵩嶽寺也

集古錄

嵩嶽少林寺碑

右唐嵩嶽少林寺碑守吏部尚書裴淮撰并正書少林寺在河南登封縣少室山麓去嵩嶽二十里嵩嶽一稱太室故有少室而此寺曰嵩嶽者統於尊也余正德癸酉嘗游嵩嶽訪少室留宿寺中見殿後有立

雪堂相傳昔達磨之徒惠可欲嗣其法雪深至腰不
去此即其處也寺右上山三里有達磨洞洞有石達
磨面壁九年形宛然石上其事甚異達磨為釋氏西
來初祖可稱二祖碑雖及其人而二事皆不之載寺
復有太宗與僧教書石刻蓋太宗為秦王時寺之僧
禽王世充以獻故太宗賜書褒美而碑云僧執世充
姪仁則以歸與教書不同余故書之以見古人之文
不無缺誤如此然非余之親歷則亦莫能知也

金荪
琳琅

裴懿公淮書少林寺碑開元十六年建又在嵩山而金石錄不載何也裴少時負文筆號霹靂手而雅不以八法名此碑辭至沓拖不可讀而書頗秀勁多媚態得非時代為之耶傳不載階封此書銀青光祿大夫正平縣子亦可補傳之闕

并州
崇

碑首太宗文皇帝御書七大字分書出開元帝中刻太宗征王世充時移寺主并軍民檄所謂御書即此也但其中止世民二字以渴筆草書填之餘皆正書

不類文皇而開元帝以為御書賜額何也下方則裴
懿公淮謨述寺之始末并書淮負文筆號霹靂手不
以書名而此文殊不及書書法秀勁其得意處漸升

伯施之堂矣

石墨
鐫筆

靈巖寺碑

李邕撰并行書天寶元年

金石
錄

百家巖寺碑

崔巨撰崔倚正書天寶八年正月

金石
錄

永泰寺碑

天寶十一載沙門靖彰撰荀望行書

金石文字記

開元寺淨度堂碑

張泉撰吳郁行書天寶九年十二月

金石錄

神德寺彌勒閣碑

杜鰲撰馬順書彌勒閣者開元中沙門會覺所立天寶十一載馮翊人張祥德重建碑以十二載立在華

原

集古錄目

阿那寺碑

韓休撰僧閑秘書大歷二年立在澄城縣

訪碑錄

淨居寺碑

在上高縣大歷三年施肩吾文

輿地碑目

開元寺三門樓碑

封演撰八分書大歷十三年七月

金石錄

福興寺碑

許登撰張從中行書并篆額大歷五年六月一日壬

辰建在江寧縣

復齋
碑錄

涼泉寺碑

僧法珪撰蔣繼行書大厯十年三月

諸道石
刻錄

金輪寺碑

程獻可撰陰冬曦正書貞元五年

京兆金
石錄

重建龍興寺碑

房琯撰序裴母潛銘徐挺古分書貞元十四年十月

十五日韋夏卿重刊立沈寧篆額

復齋
碑錄

龍興寺碑陰記

瑄姪孫房損述分書無姓名貞元單閏歲建卯之初

日在營室以記碑陰乃貞元十五年二月也

復齊碑錄

寶華寺碑

殿中侍御史鄒儒立撰蘇州刺史于頔書祕書監陸齊望有女為尼曰法興齊望捨宅為寺以居之子渭

等以永貞二年正月造寺始成立此碑

集古錄目

觀音寺碑

在北京李贊撰王立伯書元和二年立訪碑錄

天台禪林寺碑

元和六年立在大慈寺

輿地碑目

章敬寺碑

吳通微撰毛伯良書元和七年

京兆金石錄

靈皎城山寺碑

在長興縣慈氏院元和中立

輿地碑目

龍興寺碑

正書無書撰人名氏寶歷二年五月

復齊碑錄

新修龍興寺碑

在魏縣李軌撰崔弁書張肱篆額寶歷二年立

訪碑錄

開元寺碑

李軌撰崔弁書太和元年立

訪碑錄

赤城山中岩寺碑

沙門神邕撰牛僧孺書開成元年

復齊碑錄

龍泉寺碑

虞世南文布衣董異重書沙門好直篆額大周天授

二年立大和二年再建在餘姚

諸道石刻錄

修龍宮寺碑

李紳撰行書無姓名大和九年四月

金石錄

法華寺碑

鄭路撰陳修古正書并篆額會昌二年正月立在東

陽

復齋碑錄

普光王寺碑

李邕撰柳公權正書大中四年

金石錄

新興寺碑

歙州刺史盧肇撰并書越州刺史楊嚴篆額新興寺

在宣州宣宗大中初悉復武宗所毀佛寺刺史裴休

修之而立此碑以大中二年立

集古錄目

重置開元寺碑

陶祥撰劇歷之分書并篆額大中八年七月立

復齊碑錄

復東林寺碑

湖南觀察使潭州刺史崔黯撰散騎常侍柳公權書
寺在江州先被廢至宣宗時復立碑以大中十一年

四月立在廬山東林寺

集古
錄目

東林寺會昌中廢之大中初崔黯為江州刺史而復
之黯之文辭甚適麗可愛而世罕有之

集古
錄

復東林寺碑柳河東書是年為大中丁丑河東自太
子賓客復拜常侍又二載以太子少師元會占奏耄
謬奪俸書碑時蓋已幾八十矣中多作率更體而小

變道勁為文弱亦可愛矣

弇州山人案

誠懸此碑鋒鏑盡歛風骨微著故是合作之書嘉靖

甲寅四月七日為淵泉兄鑒定

玄牘記

寺廢於會昌宣宗初崔黯為觀察使謀於舊僧正言
修復之黯為作記歐公稱其文辭道麗可愛今碑斷
缺不可讀而字畫存者殊佳東林惟此殘刻及翻刻
李北海碑猶存舊蹟若歐陽率更西林道場記顏魯
公題名崔融題詩李泐題影堂碑陰皆不可見矣

潘耒

金石文字
記補遺

靖居寺碑

在廬陵之青原山大中五年段成式記

輿地
碑目

段柯古博綜墳素著書卓越可喜嘗與張希復輩邀
上都諸寺麗事為令以段該悉內典請其獨徵皆事
新對切今觀靖居碑亦書上人以其博涉三學故委
錄寺讚也文傷太擁釀要為不允雖奇澀不至若樊
紹述絳碑之甚然亦軋軋難句矣碑大中中作而左金

吾長史顏稷所書殊有楷法唐中葉以後書道下衰

之際固弗多得云

東觀
餘論

重建開善寺碑

宋整撰宋渙正書并書額咸通三年十月建

復齋
碑錄

神光寺碑

李勣撰盧元書并篆額咸通八年十二月立閩中記

云神光寺在城內烏石山正西

諸道石
刻錄

再建重居寺碑

任宇撰蔣崧分書咸通十三年二月立

復齋碑錄

僖宗賜澄衿寺額碑

張同撰崔厚正書乾符三年

京兆金石錄

昭覺寺碑

蕭遘撰劉宗龜正書中和五年正月

金石錄

安昌寺碑

周庾信文令狐渙重書乾寧元年十一月

金石錄

天台佛隴禪林寺碑

又有修禪道場碑

徐放書台州

金石略

正書無年月今在天台山寺在佛隴為智者大師修
禪之所碑文補闕梁肅撰台州刺史徐放書天台山
志所載有陳隋唐碑十五六通訪之都不存獨有此
碑矗立榛莽中曰就剏泐徙置近寺十夫力耳此碑
現存而歐趙二錄皆不載是知昔人罍漏亦不少也
金石畧所載又有天台佛隴禪林碑亦徐放書疑是

一碑也

金石文字記補遺

頭陀寺碑

右唐殷令名書頭陀寺碑齊王簡棲所撰錄于文選
令名之子仲容官禮部郎據法書要錄云仲容奕世
工書精妙曠古今名嘗書濟度寺額歷代程式父開
山也武德中為尚書故缺山字而李氏諱不及淳日
照基誦者正在貞觀永徽間跋尾書維則者集賢待
制史維則小印澠字即唐相晉國忠獻韓公所寶書
也元祐戊辰集賢林舍人招為茗雪之游九月二日

道吳門以王維畫古帝王易得龍圖閣待制俞獻可
字昌言之孫翼日與丹徒葛藻字季忱檢閱審定五

日吳江艤舟垂虹亭題

寶晉吳
光集

善財寺碑

史維則分書在陽翟縣

訪碑
錄

龍鳴寺碑

宋太平興國二年袁州獻宋之問書龍鳴寺碑

玉海

瑞聖寺碑

東蜀牛頭山下有間邱均撰瑞聖寺磨崖碑嚴政書

杜詩

注

有錄無說及無年月者

香山寺碑

白居易撰

諸道石刻錄

願力寺碑

在洹水鎮南四十里

訪碑錄

護法寺碑

在館陶縣北四里

訪碑錄

惠林寺碑

李景讓撰

訪碑錄

聖壽寺碑

拾遺綦母潛撰

諸道石刻錄

和安寺碑

明州鄞縣尉邵朗撰

諸道石刻錄

西安寺碑

右庶子致仕滕白撰

諸道石刻錄

普濟寺碑

許敬宗撰

訪碑錄

烏龍寺碑

徐嶠之書睦州

金石畧

景星寺碑

盧慈明書容州

金石畧

師陀寺碑

北京

金石畧

會喜寺碑

隸書西京

金石畧

報本寺碑

侯翊書在西安府武功縣北

古今碑刻記

雲山寺碑

在鎮江府城西北

古今碑刻記

聖德寺碑

戴正倫撰梁肅書在漢中府鳳縣

古今碑刻記

慧山寺碑

獨孤及撰在常州府無錫縣

古今碑刻記

南華寺碑

柳宗元撰在韶州府南溪

古今碑刻記

六藝之一錄卷七十六

欽定四庫全書

六藝之一錄卷七十七

錢唐倪濤撰

石刻文字五十三

唐碑

釋氏二

王悅等造像碑

正書無姓名貞觀六年五月

金石錄

無量壽佛大像碑

正書無書撰人姓名貞觀十年三月

金石錄

不著書撰人名氏唐興國寺沙門道宗造無量壽佛
大像未成而卒其徒智常成之貞觀十年同州刺史
隴西郡王博又為立此碑

集古
錄目

三龕碑

岑文本撰褚遂良正書貞觀十五年十一月

金石
錄

右三龕記唐魚中書侍郎岑文本撰起居郎褚遂良
書字畫尤奇偉在河南龍門山山夾伊水東西可愛
俗謂其東曰香山其西曰龍門龍門山壁間鑿石為

佛像大小數百多後魏及唐時所造惟此三龕像最大乃魏王泰為長孫皇后造也

集古錄

龍門山石像記正書今在洛陽縣龍門山鐫石為佛像無慮萬計石窟最大者今在賓陽洞像尤高大洞外石崖高處有刻字拓之得二十餘行首尾不具不知年月姓名按集古錄有三龕記貞觀十五年魏王泰為長孫皇后造岑文本撰銘褚遂良書今拓本有聿修陰德等語又有左武侯大將軍相州都督雍州

牧魏王及懷鏡奩而不追云云知即此記也

金石文
字記補

道

李德攜造像碑

正書無書撰人姓名上元二年

金石錄

啟法寺無量壽佛像碑

張昌齡撰吳知禮八分書永淳元年四月八日建

復齋

碑錄

司馬山彌勒石像碑

篆書無書撰人姓名永淳二年

金石錄

韓王元嘉諸子訓等為妣妃建篆書澤州

金石錄

建興寺彌勒像碑

薛寶積撰行書無姓名垂拱四年五月

金石錄

彌勒尊佛碑

在淮陰縣南天寧寺垂拱四年宋寶積文蔣之奇題

碑陰曰寶積碑字字奇古惜乎不載姓氏也

輿地碑目

濮縣令丈八像碑

行書無書撰人姓名聖歷三年七月

錄金石

整法師龍門石龕像碑

僧波崙撰表元愍正書武后時立

錄金石

澠池縣宗人為高宗造像碑

邵昊撰正書無姓名神龍元年三月

錄金石

王仲詳等造像碑

正書無書撰人姓名神龍三年正月

錄金石

勝業寺雙彌勒像碑

褚慶文撰趙冬曦正書景雲二年二月

金石錄

遵善寺大像碑

羅邈撰行書無姓名開元元年五月

金石錄

蘇氏造觀音像碑

李畬撰劉升八分書開元六年十月

金石錄

寶相寺釋迦像碑

陳二傑撰陳思光正書開元十二年

金石錄

寶願寺彌陀像碑

無書撰人名氏為八分書開元十三年正月之吉作

頌在莒

諸道石刻錄

盧舍那珎像碑

趙僕撰蔡有鄰八分書珎像定州刺史張嘉貞所造

碑以開元十六年二月立

集古錄目

大雲寺丈八佛像碑

段履承撰行書無姓名開元十七年九月

金石錄

左羽林郎造釋迦像碑

在冠氏縣崇明寺內開元二十二年立

訪碑錄

易州鐵像頌

王湍撰蘇靈芝行書開元二十七年五月

金石錄

石壁寺彌勒鐵像碑

林鷄撰房璘妻高氏行書開元二十九年六月

金石錄

太原府交城縣石壁寺鐵彌勒像頌者林諤撰參軍

房璘妻高氏書余所集錄古文自周秦而下訖於顯

德凡為千卷唐居其十七八其名臣顯達下至山林

幽隱之士所書莫不皆有而婦人之書惟此高氏一人爾然其所書刻石存於今者惟此頌與安公美政頌爾二碑筆畫字體遠不相類殆非一人之書疑模刻不同亦不應相遠如此又疑好事者寓名以為奇也識者當為辨之

錄古

洪福寺彌勒像碑

韓滉撰并正書天寶五年七月

金石錄

同官主簿韓滉撰并書集賢院學士衛包題額彌勒

石像者長安中縣人趙貞等造寺僧圓證重修碑以

天寶五年立在同官

集古錄目

觀世音像碑

陶翰撰徐浩正書天寶中立

金石錄

慧義寺彌勒像碑

韓仵撰李潮八分書大歷二年十二月

金石錄

右唐惠義寺彌勒像碑李潮八分書潮書初不見重

於當時獨杜甫詩盛稱之以比蔡有鄰韓擇木今石

刻在者絕少惟此碑與彭元暉墓誌爾余皆得之其

筆法亦不絕工非韓蔡比也

金石錄

二聖金剛像碑

瞿參撰并八分書篆額元和三年

金石錄

大海寺玉像碑

張仲方撰韓齊申八分書并篆長慶四年五月

金石錄

補盧舍那珉像碑

開元十六年盧舍那珉像碑蔡有鄰書在定州唐世

名能八分者四家韓擇木史維則世傳頗多而李潮
及有鄰獨為難得慶厯中今昭文韓公在定州為余
得此本余所集錄自非衆君子共成之不能若此之

多也

集古
錄

盧舍那佛像記蔡有鄰書今見於世者三碑惟尉遲
迴廟與此存耳書法勁險驅使筆墨盡得如意當與
鴻都石經相繼也唐志稱有鄰於八分本怯弱至天
寶間遂至精妙相衛中多其蹟然則當時蓋不止三

碑惜其今亡之也

廣川書跋

補

延州石像碑

延州別駕唐琰撰不著書人名氏顯慶中琰之祖李卿為延州刺史造石龕立三佛像開元中琰為延州別駕加以鐫飾以開元二十七年立此碑并碑陰題

名

集古錄目

無年月

造釋迦石像碑

關操書

墨池編

正解寺造神佛龕像碑

在定州無撰書人姓名

天下金石志

頌贊銘記附

令狐文軌像銘

薛純正書貞觀十四年六月

金石錄

會善寺造像記

八分書麟德元年

金石文字記

進士高挺璠造石佛像記

光宅元年

京兆金石錄

高延貴造佛像贊

正書長安三年七月在西安府南門內華塔寺

金石文字

記

韋均造佛像贊 蕭元春造佛像贊

正書長安三年九月今並在西安府華塔寺

金石文字

李承嗣造佛像銘

長安三年九月

金石文字

姚元景造佛像銘

長安四年九月正書今並在西安府華塔寺

金石文
字記

安樂公主鑑像碑

神龍二年

墨池
編

易州雲居寺石浮圖

楊將軍新莊像銘

開元十年正書今在西安府華塔寺

金石文
字記

支提龕銘

開元十九年九月蔡景撰正書今在林縣硤峪 衛

輝府林縣林慮山在其西黃華天平硤峪其最勝處

余遊硤峪宿硤山寺見元勅旨碑金燈記勅公碑寺

東三里許路旁有石龕刻三佛像視其銘乃唐物也

書非名人而有初唐筆意以地僻人見者少故不入

歐趙諸錄惜在露地當移置寺中乃可久耳

金石文字記

龍門西龕石像記

張九齡撰八分書姓名殘缺開元中立

金石錄

劉飛造像記

史惟則八分書天寶九年十二月

金石錄

右唐陳留尉劉飛造像記史惟則小字八分書按封
演聞見記云玄宗嘗幸驪山登朝元閣命羣臣賦詩
正字劉飛詩最清拔特蒙激賞右相李林甫怒飛不
先呈已出為一尉而卒士子寃之今此記有云頃校
文金閣賡歌栢梁叨沐錦衣之賜遂有長沙之後又
云聖恩廣被移官大梁如此則演所記為不誣矣林

甫妬賢嫉能出於天資飛以一詩之善遂遭遠謫其
險愎如此記在洛陽龍門山字畫甚工而世罕傳

金石錄

錄

四禪寺萬菩薩像記

趙子餘撰林混元八分書天寶十一年

金石錄

金銅菩薩像記

韋舉撰并行書貞元十七年十一月

金石錄

凌雲寺石像記

韋臯撰張綽行書貞元十九年十月

金石錄

淨住寺文賢像銘

此碑河東裴行純追薦其父母而作碑之存者無幾其分隸頗佳但瘦而不硬且刻手似出唐以後人留

之以待博識者

石墨
鐫筆

天宮寺金銅釋迦像記

在景德院光啓二年

輿地
碑目

相思寺彌勒石像記

光化三年五月二十一日

復齋
碑錄

無年月

石龕佛像記 在相如縣縣令陳子良撰

輿地
碑目

淨住寺釋迦文賢劫千佛像記 崔行功撰隸書

京兆
金石

錄

張法壽造石像記 無書撰人名氏

墨池
編

補

釋迦像記

滑州節度判官豆盧適撰不著書人名氏渭北節度

使臧

碑不著名

修華原攝受寺立釋迦像之記也碑不著

所立年月而文稱九葉寶應元聖皇帝又稱唐三甲

子甲寅歲則當在代宗之大曆元年唐興一百五十

七年矣碑在華原

集古錄目

救苦觀世音像銘

無書人名氏乾元二年正月在巴州

諸道石刻錄

唐刻

釋氏三

經典

心經

歐陽詢書饒州

金石
畧

淤泥禪寺心經

正書貞觀二十二年三月今在京師城內西南隅秀
峰寺其末曰大唐貞觀二十二年三月吉日建立誤
作三十二以三字改成式字按貞觀止於二十三年
此碑疑是後人偽刻然予見兗州龍興寺修三門記
宋太平興國七年刻亦以八字改成七字古人碑碣

之文亦有草率若此者此碑又云宮官張功謹敬德
監造今山東河北寺院多云創自敬德或謂是尉遲
敬德非也敬德名恭考許敬宗所作神道碑及本傳
並無鎮幽州事亦不當列於宮官之下也

金石文
字記

杜延基造心經

蘇休奕書總章元年六月

金石
錄

金剛經

正書無姓名咸亨四年七月

金石
錄

金剛經

正書姓名殘缺儀鳳三年四月金石錄

觀音十大願品經

正書無姓名殘缺儀鳳三年四月金石錄

金剛般若經石柱

梁思彥撰僧元裕書長壽二年京兆金石錄

心經 金剛經

咸亨三年闕月王知敬正書今在少林寺殿後字多

剝落

金石文
字記

心經

正書大足元年僧有晦建今在京師

褚遂良心經

懷仁所集序記後殿以心經雖不能遍及三藏然六百五十七部以般若為宗般若以心經為宗系之未嘗不韙也而褚序記則無有非闕典與乃褚自有獨本心經以天寶元年刻於河北道宣慰使陳令望者

尤為峻拔比之序記字差小而精神風度不似兩時
書豈褚見懷仁之集又賈其餘力耶而無復好事合
刻為完璧其搨本海內亦遂少傳豈不久為賊所據
當遂不存耶而此本亦必其初出日所搨是以筆法
神氣不失毫末視今日之序記不啻天壤幸為余寶
可望不幻去矣輒以為唐人真書第一合不遜懷仁

本也

墨林
快事

鄭萬鈞草書心經

此草書心經刻之長安中云右軍書非也雖道逸而疎縱不入格不中懷素作奴況右軍乎見唐文粹乃駙馬都尉鄭萬鈞書張說有序萬鈞尚睿宗女代國公主字華婉者也於書家不甚琅琅宜其然

王氏法書苑

尊勝陀羅尼幢

在北京府城開元寺唐盧重玄分書開元中立

訪碑錄

心經

天寶元年四月陳令望書

金石文字記

福聖寺陀羅經讚石柱

紀欣之撰并書天寶五年

京兆金石錄

崇仁寺陀羅尼石幢

天寶七載五月張少悌行書今在西安府尊勝陀羅石幢天下多有不具載此以少悌之名而存之

金石文字

記

尊勝陀羅尼經

正書無姓名天寶七年七月

金石錄

鄭預注心經

正書無姓名天寶九年四月

金石錄

右鄭預注多心經不著書人名字疑預自書者蓋開元天寶之間書體類此者數家如擣練石韓公井記洛祠記皆一體而皆不見名氏此經字體不減三記而注尤精勁蓋他處未嘗有故錄之而不忍棄矧釋氏之書因字而見錄者多矣余每著其所以錄之意

覽者可以察也

集古錄

尊勝石幢銘

崔恁撰王士則八分書天寶九年六月

金石錄

士則書法道勁瀟灑有李北海張從申之筆

法苑
龜言

尊勝陀羅尼經

天寶九載刻於會善寺庭西石幢無書人姓名

嵩陽
石刻

記

施燈功德經

正書天寶十三載正月今在西安府城南香積寺

金石

文字
記

徐浩題經

書家論徐會稽筆法怒猊抉石渴驥奔泉以余觀之
誠不虛語如李海筆少令韻勝則與稚恭並驅爭先
可也李海長處正是用筆勁而心圓若有工不論韻
則王著優於李海而李海不下子敬若論韻勝則右
軍大令之門誰不服膺往年觀怒猊抉石渴驥奔泉
之論茫然不知是何等語老年乃於李海書中見之

如觀人眉目也三折肱知為良醫誠然哉李海莫年
乃更擺落王氏規模自成一家所謂盧溥其髮甚短
而心甚長惜乎當時君子莫能以短兵伐此老賊也前
朝翰林侍書墨蹟此其長處不減李海所乏者韻爾

山谷
題跋

題經措法最密殆於樂毅論得其結字妙處至形容
勢疎字細畫短故當在伯仲間然方而有規圓而藏
矩未嘗利角擢鋒構成觚稜正如大匠掄材斲木就

器繩墨既陳潛刃其間求礪削之迹殆不可見况痕
瑕節目可得而求之耶季海於此可以忘情筆墨矣

顧法度存者世知什一豈論三四哉

廣川書跋

天寶中立

金石錄

明皇注金剛經

八分書無姓名天寶中立

金石錄

金剛經

鄔彤行書乾元元年八月

金石錄

尊勝經

沈洽撰序鄔彤行書乾元元年八月

金石錄

哥舒翰等造阿彌陀經

正書無書人姓名天寶十二年九月

金石錄

徐浩心經

季海書名噪一時有渴猊奔驥之喻此帖意近而法慢米顛斥為吏楷誠爾然不能不為眉山小底之耳

弇州山人彙

徐浩金剛經

在西京

金石
畧

陀羅尼經石柱

高沔等書大歷八年立在三原

諸道石
刻錄

梵網經心地戒品

大歷十三年高堅正書

金石文
字記

石鐙庵石幢傍鐫般若心經一部

廣德二年少府裴監施朝請郎趙偃書

帝京景
物畧

觀無量壽佛經

比丘道秀正書建中三年十月

金石錄

無量壽經

沙門法昭行書在遺教經陰貞元八年

金石錄

千手眼大悲陀羅尼經

僧法昭書貞元九年

京兆金石錄

佛頂尊勝陀羅尼經石柱

僧道秀書貞元六年

京兆金石錄

化度寺三塔院尊勝陀羅尼經石柱

方琬撰贊序并書貞元十六年

京兆金石錄

心經

竇瑛正書元和二年十一月

金石錄

寶刹寺佛頂尊勝陀羅尼經石柱

元長楚撰贊序周仲諲書元和三年

京兆金石錄

青龍寺佛頂尊勝真言碑

曹昉正書元和六年

京兆金石錄

青龍寺大悲陀羅尼咒

元和六年

諸道石
刻錄

心經碑

元和六年李文成建

諸道石
刻錄

建國寺華嚴經品石柱

僧智藏正書元和十年

諸道石
刻錄

佛頂尊勝陀羅尼經

僧智嚴正書元和十三年

京兆金
石錄

陀羅尼幢

長慶三年李詹楷書

金石表

六譯金剛經

右威衛上將軍知內侍省楊承和集楊翱撰序初承和以分書經刻於上都興唐寺文宗詔取其本使待詔唐玄度集王羲之書翰林學士鄭覃等六人為贊

刻石以太和六年立

集古錄目

佛經尊勝陀羅尼經序

大和六年四月僧寂川撰僧無可正書今在西安府

百塔寺

金石文
字記

白龍寺經幢

在寧國府水陽鎮開成元年

與地
碑目

趙浩書金剛經

正書僧清濬篆額開成五年正月立

復齋
碑錄

金剛經

柳公權正書會昌四年四月

金石
錄

誠懸以書聞四方史謂當時中外大臣家書碑刻銘
不煩手筆者子孫以為孝敬不足故昔時高麗百濟
入貢齎貨貝以購書名之重後世莫及然此經本書
於西明寺後亦屢改矣經石幸存不墜兵火柳玘謂
備有鍾王歐虞褚陸之體今考其書誠為精藝尤可

貴也

廣川
書改

殷若心經

徐璋篆大中五年五月

金石錄

西明寺金剛經

柳公權正書大中十三年六月

金 石 錄

六譯金剛經

蓋巨源八分書咸通四年六月

金 石 錄

尊勝陀羅經

咸通四年漳州押衙王制建造建州司戶叅軍劉鏞書

經刻於石幢書法婉雅酷有虞氏廟堂筆意其碑當

在漳州今未知存亡尊勝石幢在處多有余所見也

山寺咸通年刻溫州仙巖大中年刻皆完好包山者

書法尤佳字大而刻深宛然如新也

金石文字記

尊勝陀羅尼經

于僧翰八分書咸通五年譙郡夏穆建

集古錄目

右尊勝經于僧翰書僧翰筆畫雖道勁然失分隸之分遠矣所以錄者亦自成一家而為流俗所貴故聊

著之庶知博采之不遺爾

集古錄

尊勝經幢

王銷書并鵠字咸通十三年八月間人銖等造在戒

珠寺

復齋
碑錄

尊勝經幢

王修己書正書小字咸通十五年在禹跡寺

輿地
碑目

轉輪經藏碑

咸通八年在義烏縣

輿地
碑目

佛頂尊勝陀羅尼咒

魯讓建正書乾符六年

京兆金
石錄

十善道業要畧碑

裴休撰李郁篆額乾符四年

京兆金石錄

佛頂尊勝陀羅尼經

鄭宏祚書廣明元年

京兆金石錄

潤州陀羅尼經幢

右陀羅尼經幢今在潤州寶墨寺中唐雲陽山人王

奩之書字畫頗為世俗所重故錄之以備廣採

集古錄

白居易蘇州重玄寺法華院石壁經碑

碑云長慶二年冬作太和三年春成寺僧契玄捨藝

而書之

白氏長慶集

阿彌陀經

陳仁稜所書刻於襄陽

文獻通考

石幢梵率天經

此書大有歐陽率更法志川中尉掘地得之一字不

損可玩也今石在志川王府

石墨鐫筆

石幢燃燈功德經

在香積寺行草亦勁逸然不中與王縉作奴

石墨
鵝筆

石幢尊勝咒

八種一張少悌書在崇仁寺七無書者名在牛頭寺
一興平崇寧寺一慈恩寺一乾州蒲落坊一仙遊寺
一香積寺一已忘所在 余所收尊勝咒石幢凡八
紙其一為張少悌行書清圓秀逸蘇靈芝輩不及也
在崇仁寺經堂前以木柵罩之一字不損其一正書
無名方整森嚴全習信本而結法稍不如在牛頭寺

其六紙或正書或行書都不作惡札然不無遜其腕

力也

石墨
鐫筆

石幢尊勝經

十一種一劉慎微書忘所在一無可書在百塔寺九
無書者名在寶慶寺一乾州大馬村一張曲井一李
家洼一海亭王府一宜川王府一草堂寺一宏福寺
二 凡石幢多書尊勝陀羅尼經余既有此癖遇必
摩之而擇其佳者錄之凡所錄十一紙所在詳目錄

中但其書法劉慎微僧無可者佳餘雖無名姓然皆
與此匹敵者也關中石幢無數或埋或斷或移作他
用深為可恨

石墨
鵠華

石鼓經咒

此以石為鼓而週刻之其文尊勝經咒也書道健有
法存者不能強半鼓下作石山山上作天王鬼神以
戴之斧鑿工甚奇在醴泉縣趙村廣濟寺後疑是唐
初建寺時物寺僧不知護持鼓下為溷廁可慨也

石墨

鵝
華

無歲月及書跋

唐注大乘起信論 馬鳴菩薩撰杜鴻漸注徐浩書

京兆

金石
錄

金字般若經碑 正書無姓名

金石
錄

遺教經 正書無姓名

金石
錄

教戒經 正書無姓名

金石
錄

梵網經 正書無姓名

金石
錄

燃燈經 正書無姓名

金石錄

佛說阿彌陀經 楊釐書

墨池編

陀羅尼經 崔諭書咒崔元書經崔衡書記

墨池編

楞伽阿跋多羅經 呂向書徐浩題

墨池編

心經 柳公權書

金石畧

尊勝陀羅尼咒 柳公權書

金石畧

阿彌陀經 楊整書

金石畧

佛頂尊勝陀羅尼經 元載書鳳翔府

金石畧

尊勝經幢

西京篆書

金石
畧

心經幢

篆書西京

金石
畧

佛頂心陀羅尼經

王奂之書一本牛僧孺分書潤州

金石

畧

三乘典秘之藏

裴休書襄州

六藝之一錄卷七十七

欽定四庫全書

六藝之一錄卷七十八

錢唐倪濤撰

石刻文字五十四

唐碑

釋氏四

弘福寺辨法師碑

秘書丞李儼撰洋州司戶薛純陀書法師名機字辨
姓張氏南陽人為弘福寺沙門碑以顯慶三年八月

立

集古
錄目

右辨法師碑李儼撰薛純陀書純陀唐太宗時人其書有筆法其道勁精悍不減吾家蘭臺意其當時必為知名士而今世人無知者然其所書亦不傳於後世余家集錄可謂博矣所得純陀書祇此而已其所書必不止此而已也蓋其不幸埋沈泯滅非余偶錄得之則遂不見於世矣廼知士有負絕學高世之名而不幸不傳於後者可勝歎哉可勝歎哉治平元

年閏五月晦日書

集古錄

右唐辦法師碑薛純陀書歐陽公集古錄云純陀太宗時人其書有筆法意其當時必為知名士而今世人罕知者集古所得純陀書祇此而已余按法書要錄云薛純陀學歐草微傷肥鈍亦通之亞也然則純陀當時真知名矣余又得純陀八分書比干碑歐陽公所未嘗見也與純陀同時有薛純唐太宗命書砥柱銘者其筆法與純陀絕相類疑即一人蓋唐初時人名姓多如此爾

金石錄

辨法師碑薛純陀書昔歐陽公嘗評其不減率更然
所書不傳于後永叔所得純陀書惟此不知又有甚
焉者也貞觀十二年奉勅書銘砥柱其字磊落如山石
自開隱鱗而出可以見方丈之勢矣固無牽強以成
也當時如虞伯施褚登善號能書者皆避而讓之其
後柳誠懸愛其書恐失其次第則又別書於石後世
得純陀所書砥柱銘者皆碎雜叢疊必按此而序之
砥柱銘薛純而此碑為薛純陀嘗為秘書省正字本

名純陀後以純自別於時檢于類書見之

廣川書跋

辨英法師碑

正書無書撰人姓名顯慶四年六月

金石錄

道因法師碑

李儼撰歐陽通正書龍朔三年十月

金石錄

唐道因法師碑中臺司藩大夫李儼撰蘭臺郎騎都

尉歐陽通書通率更令詢之子書法出家學矩矱森

嚴意度飄逸但少含蓄之趣耳

東里詩集

道因與玄奘同譯經者見高僧傳碑文亦宏麗饒其
家言然去蘭栖頭陀不啻一小劫耳評者謂歐陽蘭
臺瘦怯於父而險峻過之此碑如病維摩高格貧士
雖不饒樂而眉宇間有風霜之氣可重也余嘗謂皇
象文武索靖載妖帖章草中鳥跡筆者顏真卿家廟
茅山碑正書中玉筋筆者蘭臺道因碑正書中八分
筆者此未易為俗人言也

余州山人索

王元美曰評者謂蘭臺瘦怯于父而險峻過之此碑

如病維摩高格貧士雖不饒樂而眉宇間有風霜之
氣可重也余謂蘭臺故學父書而小變為險筆時兼
隸分自是南北朝流風餘韻李仲璇孔廟碑趙文淵
所書華岳碑可覆觀也

石墨
鐫筆

歐陽通正書較信本流麗有餘而嚴敬不足杜詩云
書貴瘦硬方通神今以此視化度醴泉諸碑已自癡
肥矣然學者自此求信本之迹則亦執柯伐柯取則
不遠矣

玄牘
記

古跡吾不得而見之矣今之模搨失真又了無足觀
惟有古碑版耳率更碑版尚有數種而蘭臺止存一
道因法師碑蘭臺父子齊名號大小歐陽率更楷法
源出古隸故骨氣洞達結體獨異居唐楷書第一小
歐陽早孤購求父書不惜重貲力學不倦能窺源本
家學相承非初造也

金石史

今在西安府儒學

金石文字記

安國寺才法師碑

高智周撰呂保正書龍朔三年十月

諸道石
刻錄

莊嚴寺行虔法師碑

許彥伯撰高正臣書上元元年甲戌九月十五日建

復齋
碑錄

慈恩寺大法師基公碑

李義撰沙門正演正書永淳元年十二月四日立

復齋

碑
錄

會真法師紀德碑

馮內直撰正書無姓名垂拱二年二月

金石錄

修敬寺旭禪師碑

無書撰人名氏禪師姓趙氏絳州稷山人碑以萬歲

通天二年立在河陽

集古錄目

崇聖寺曇遂法師碑

薦福寺譯經沙門波崙撰前鳳州錄事袁元愬書法
師姓魏氏鉅鹿曲陽人高宗儀鳳中初復崇聖寺召
法師居之其後自斷支體刳心腹以食百獸而死碑

以長安元年立

集古錄目

信行禪師碑

越王貞撰薛稷正書并碑陰在長安縣西北八里神

龍二年八月立

金石錄

信行禪師興教碑越王貞撰中書舍人薛稷書於禪師事迹無所敘述但為稱美之辭而已謂之興教碑

以神龍二年八月立

集古錄目

大通禪師碑

唐僧謂神秀為北宗慧能為南宗神秀以神龍二年
賜諡大通禪師岐王範張說及徵士盧鴻皆為其碑

文

舊唐書
方技傳

寶嚴院千歲和尚碑

僧宗一撰開元二年四月立

諸道石
刻錄

誌公碑

行書開元三年二月其額云大唐齊州章邱縣常白
山醴泉寺誌公之碑今仍在寺中而其地已割入鄒

平矣碑陰有誌公像其下方斷齧不全按此所述是
梁之寶誌與陸倕文畧同而曰既墓彼山又墳茲嶺
則此地亦有誌公墳也僧家有衣鉢爪髮塔不嫌兩

葬

金石文
字記

懷素律師碑

崔融撰行敦集王書開元六年二月碑在京兆府

金石

錄

國子司業崔融撰安國寺沙門行敦集王羲之書懷

素西崇福寺僧也姓范氏長安人碑以開元二年六

月立

集古錄目

善達法師碑

郭廷誨撰正書無姓名開元七年五月

金石錄

郭廷誨撰任遺祚正書開元七年五月建在元城復齊

碑錄

廣果寺能大師碑

武平一撰正書無姓名開元七年立

諸道石刻錄

萬迴法師碑

徐堅撰行書無姓名開元十年又五月

金石錄

普寂禪師碑

盧鴻撰并八分書開元十二年正月

金石錄

靜泰法師碑

呂向撰劉懷信正書開元十二年八月

金石錄

文蕩律師碑

盧渙撰魏栖梧正書開元十三年十月

金石錄

前河南吉城尉盧奐撰著作郎魏栖梧書律師姓

藥氏河南密縣人開元十三年十月弟子一智為之

建塔立此碑在陽翟縣

集古
錄目

道安禪師碑

開元十五年十月宋儋撰并行書今在嵩山會善寺

廢戒壇前中斷

金石文
字記

佛馱禪師碑

李訥撰張庭珪八分書開元十七年七月

金石
錄

佛馱禪師塔碑後序

李湜撰明乾節行書開元十八年五月建附錄金石

曇榮禪師碑

崔禹撰蘇軾銘章鑒八分書開元十八年錄金石

嵩山閒居寺珪禪師碑

宋儋撰并行書開元二十三年四月錄金石

大智禪師碑

嚴復撰史惟則八分書開元二十四年九月錄金石

大智禪師義福碑并碑陰史惟則書西京

金石
畧

此碑為唐史侍御惟則書竇臯述書賦稱史書古今
折衷大小應變聲價極不落莫也其行筆絕類太山
銘而縝密過之知開元帝潤澤所自耳大智師北宗
之錚錚者嚴挺之粗能其家言俱可存也

弇州山
人索

史維則分隸書竇臯稱其古今折衷大小應變如因
高而矚遠俯川陸而必見今觀此碑信是開元間分
書第一手嚴挺之文亦麗則可觀大智師見唐方技

傳傳云開元二十年卒碑云二十四年

石墨
錫華

大智和尚七十九年東奔西走說佛說法只留得卧
去坐去有何差別二句已是眼光落地時蹭蹬話頭
嚴挺之史惟則二家癡漢更為作碑寫頌只至今日
裝法帖書跋語紛紛不了古詩不云乎當時一着蓑
衣去江水茫茫何處尋淵泉若穿透此句便雖滿家
書法名畫我只道眼中無有片紙隻字也

玄牘
記

大智禪師碑陰記

揚伯成撰史惟則八分書開元二十九年立附金石錄

碑陰陽伯成撰記施淨財事而惟則書書法瘦而少

態與前碑異何也

石墨
鐫筆

大智禪師碑嚴挺之撰史惟則八分書并篆額碑陰

記陽伯成撰史惟則八分書今在西安府儒學金石
文字

記

大智禪師碑之二

嚴浚撰胡沛然集王右軍書天寶十一年八月金石
錄

萬迴大師神跡碑

徐彥伯撰史惟則八分書開元二十五年五月

金石錄

萬回神跡記右散騎常侍徐彥伯撰太子右內率府
錄事參軍集賢院學士史惟則八分書萬回號人姓
張氏據記沙門玄奘嘗西遊天竺有寺空其一室問
其人曰是僧方生於中國其號萬回蓋自此而往者
萬回矣萬回言語悲喜不常如狂者所為多異高宗
延之禁中中宗號之曰玄通大居士封法雲公玄宗

為營居室於醴泉里後追贈司徒封號國公碑以開

元二十五年萬回弟子沙門還源所立

集古錄目

萬回神迹記碑徐彥伯撰其事固已怪矣玄宗英偉之主彥伯當時名臣也而君臣相與尊寵稱述之如此欲使庸愚之人不信不惑其可得乎世傳道士罵老子云佛以神怪禍福恐動世人俾皆信嚮而爾徒高談清靜遂使我曹寂寞此雖鄙語有足采也

集古錄

萬回神迹碑陰記

楊伯成撰并贊史惟則八分書并篆額開元二十五

年仲夏十有五日戊子記

復齋
碑錄

懷道律師碑

李邕撰并行書開元二十五年七月

金石
錄

東山愛同寺懷道闍黎碑括州刺史李邕撰并書闍
黎姓陳氏為福州愛同寺僧碑以開元二十五年七

月立

集古
錄目

玄覽律師碑

徐安貞撰褚庭誨正書開元二十五年八月

金石錄

工部侍郎徐安貞撰諫議大夫褚庭誨書法師庭誨之諸父也為杭州華嚴寺僧碑以開元二十五年八

月立

集古錄目

智遠律師碑

啖彥珍撰陳瓌行書開元二十五年九月

金石錄

大照禪師碑

盧僊撰史惟則八分書天寶元年十二月

金石錄

右大照禪師碑唐吏部員外郎盧僊撰伊闕縣尉集
賢院待制兼校理史惟則書碑天寶元年立唐世八
分書名家者四人而已韓擇木李潮蔡有鄰及惟則
也

集古
錄

大照禪師碑

李邕撰并行書天寶元年二月碑在州嵩嶽寺

金石錄

金陵俞仲茅先生藏李泰和行書大照禪師碑二千
餘字硬黃紙筆法精整清栗有歐虞風味視他書畝

側疎豪者大不同先生云此書自唐以來即為高麗
所藏以故絕無宣和政和等璽羣玉秋壑等印與蘇
米等跋神廟末年一弁得之平壤將獻之幕府媒進
余策遼事之必敗戒其毋遽往已而果然此卷遂留
余處稍酬之金帛不能滿其意也而終無肯昂直應
者故尚為余物耳世傳北海石本娑羅雲麾率以宕
逸取奇與此絕不類乃知古人勝處初不可以一途
取如菩薩神變散入諸趣在具眼者熟參之蕭然有

得也

六研齋
二筆

大照名普寂大通秀之嗣去達磨七世是名北宗門
庭甚盛所謂南京法主三帝門師者也碑當在嵩嶽
寺今不存拓本乃翻刻者不逮雲麾嶽麓亞於娑羅

耳

金石文字
記補遺

法現禪師碑

李通文撰呂向正書天寶元年九月

金石
錄

故一切導師碑

撰人姓名殘缺沙門智謙行書天寶二年六月

金石錄

實際寺隆闡大法師碑

右唐實際寺懷惲碑無書撰人姓名觀碑中有弟子
思莊敬想清輝勒茲玄德之語則碑乃惲之徒所撰
碑稱惲能頌般若神咒際遇高宗武后兩朝可謂細
流之出色者而其老也乃患惡疾以死朝廷復贈之
曰隆闡法師然則其法果安在哉

金薤
琳瑯

右隆闡法師碑僧懷惲撰及書頗亦能為其家言筆

法尤圓微有聖教遺意後稱天寶二年至明年則改
年為載矣趙明誠金石錄極詳備而遺此似不可曉

弇州山人
豪

此碑行書源出聖教而漸作婉媚纏繞殊乏晉人瘦
勁蕭疎之趣碑為懷惲立都玄敬云無書撰人姓名
碑中有弟子思莊敬想清徽勒茲玄琰則碑為惲之
徒所撰未知是否而王元美乃曰僧懷惲撰及書頗
亦能為其家言筆法尤圓微有聖教遺意今碑中叙

惲生死甚備明云大足元年十月二十二日神遷春
秋六十有二神龍元年勅贈隆闡大法師天寶二年
建碑又弟子思莊云云如元美言豈惲鬼撰書耶蓋
碑首後人妄增懷惲及書四字文理本不屬而元美
疑于及字上當有撰字遂誤耳元美博學絕世似未
見都玄敬金薤琳琅又似未讀竟此碑然謂惲頗能
為其家言又似并取其文者至人乃作夢語何也

石墨

天寶二年十二月今在西安府儒學題曰唐實際寺
故寺主懷惲奉勅贈隆闡大法師碑銘并序其下曰
懷惲及書蓋不可曉文中有弟子大溫寺主思莊敬
想清徽勒茲玄琰疑即其所書

金石文
字記

道超和尚精德碑

在隆州古城山平等寺中天寶四載薛兼金撰

輿地
碑目

一切導師元傾和尚碑

僧崇業撰僧智謙書天寶五年六月立

京兆金
石錄

曹溪能大師碑

兵部侍郎宋昂撰河南陽翟縣丞史惟則八分書能
大師姓盧氏南海新興人居新興之曹溪天寶七年

其弟子神會建碑于鉅鹿郡之開元寺

集古
錄目

宋泉撰史惟則八分書天寶十一年二月

金石
錄

乘真禪師碑

王雄風撰胡沛然行書天寶七年八月

金石
錄

明禪師碑

鄭靈之撰徐浩正書天寶十年七月

金石錄

天寶十年鄭旻之撰徐浩書秋暑困甚覽之醒然治

平丙午孟饗致齋東閣書

集古錄

瑤臺寺大德碑

撰人姓名殘缺韓擇木八分書天寶十一年十二月

金石錄

法華寺玄儼律師碑

前秘書省正字萬齊融撰武部郎中徐浩書律師姓

徐氏諸暨人居越州法華寺碑以天寶十五年六月

立

集古
錄目

山谷寺璨大師碑

房琯撰徐浩八分書上元元年建辰月

金石
錄

大澄禪師碑

王綰撰徐浩行書大歷四年三月

金石
錄

大證禪師碑銘王綰撰徐浩正書今在嵩嶽寺

金石
文字

記

法慎律師碑

李華撰張從申行書李陽冰篆大歷八年十二月

金石

錄

龍興寺四絕碑首者李陽冰篆法慎律師碑額也在揚州龍興寺唐李華文張從申書李陽冰篆額律師者淮南愚俗素信重之謂此碑為四絕碑律師非余所知華文與仲申書余亦不甚好故獨錄此篆爾

集古

錄

張從申書其原出于王大令筆意與李北海同科故名重一時書苑云從申結字縝密近古未有弟從師從義從約並工書皆得右軍風規時人謂之四龍書賦云張氏四龍名揚海內厥有季弟功夫少對右軍風規下筆斯在季謂從申也又云從申近古所無恨於聞見不多右軍之外一步不窺予觀從申雖學右軍其原出於大令筆意與李北海同科名重一時宜不虛得但所短者抑揚低昂太過又真不及行耳然

唐人而有晉韻殊可嘉尚近世歐陽文忠為集古錄而雅不愛從申書故此碑見棄而特取其篆首至其書王師乾碑以見稱于秦珩故聊存焉信乎真賞之難值也註云從申有弟三人又云季謂從申不可曉

東觀
餘論

鏡智禪師碑

獨孤及撰張從申行書大曆八年十二月

金石錄

開元寺僧殘碑

右唐開元寺僧殘碑雖書撰人姓名殘缺然以字畫考之為顏魯公書無疑也初仁宗朝吳長文叅政為在京師僦居治地得之當時文士皆為賦詩今其石尚藏汶上長文家云

金石錄

空寂寺大福和尚碑

陸海撰僧惟高書寶應二年

京兆金石錄

三藏和尚不空碑

嚴郢撰徐浩正書建中二年十二月

金石錄

御史大夫嚴郢撰彭王傳徐浩書不空西域人居長

安興善寺自玄宗以來謂之

闕

代宗時加開府儀

同三司肅國公賜號

闕

追贈司空加號大

辨正廣

闕

碑以建中二年十一月立

集古錄目

右唐不空碑自明皇以後職官不勝其濫下至佛氏

老子之徒亦皆享高爵重祿故不空始為特進大鴻

臚封肅國公既歿又贈司空嗚呼名器之輕一至於

此昔舜命伯禹作司空異于是矣

金石錄

和尚不空也碑徐浩書浩傳曰父嶠之善書以法授
浩世狀其書曰怒猊抉石渴驥奔泉尤為司空圖所
愛又嘗論書曰鷹隼乏彩而翰飛戾天者骨勁而氣
猛也暈翟備色而翱翔百步者肉豐而力沉也若藻
曜而高翔書之鳳凰矣可謂誇詡之極今觀此碑雖
結法老勁而微少清逸在唐書中似非其至者

石墨
鵝筆

舊唐書王綰傳曰初代宗喜祠祀未甚重佛而元載
杜鴻漸與縉喜飯僧徒代宗嘗問以福業報應事載

等因而啟奏代宗由是奉之過當嘗令僧百餘人於
宮中陳設佛像經行念誦謂之內道場其飲膳之厚
窮極珍異出入乘廐馬度支具廩給每西蕃入寇必
令羣僧誦誦仁王經以禳鹵寇苟幸其退則橫加錫
賜胡僧不空官至卿監封國公通籍禁中勢移公卿
爭權擅威自相凌奪凡京畿之豐田美利多歸於寺
觀吏不能制僧徒雖有藏姦蓄亂敗戮相繼而代宗
信心不易乃詔天下官吏不得箠曳僧尼又見縉等

施財立寺窮極瓌麗每對揚啟沃必以業果為證以
為國家慶祚靈長皆福報所資業力已定雖小有患
難不足道也故祿山思明毒亂方熾而皆有子禍僕
固懷恩將亂而死西戎犯闕未擊而退此皆非人力
所能制也帝信之愈甚公卿大臣既推以業報則人
事棄而不修故大厯刑政日以陵遲有由然也五臺
山上有金閣寺鑄銅為瓦塗金於上照曜山谷計錢
巨億萬緡為宰相給中書符牒令臺山僧數十人分

行郡縣聚徒請說以求貨利代宗七月望日於內道
場造盂蘭盆飾以金翠所費百萬又設高祖以下七
聖神座備籓節龍傘衣裳之制各書尊號於籓上以
識之昇出內陳於寺觀是日排儀仗百寮序立於光
順門以俟之籓花鼓舞迎呼道路歲以為常其傷教
之原始於縉也史傳所言佞佛之弊至切故具錄之
按此碑不空以一胡僧而官至特進大鴻臚開府儀
同三司肅國公遂為後代沙門授官之祖吁亦異矣

金石文

字記

冊府元龜言大歷三年二月興善寺不空三藏上言
因修寺塔下見古埏得一小棺長尺餘發視有十餘
重棺皆金寶裝飾中有舍利骨及佛髮一條每棺一
鎖規製妙絕有殷仲文題贊其說近怪仲文為桓玄
侍中領左衛將軍安帝反正出為東陽太守未至關
中不可以欺里巷之儒而代宗乃出寶輿具威儀迎
入內道場奉之何哉

全上

均法師碑

沙門惟心撰高述書貞元三年五月

金石錄

徑山大覺師碑

王穎撰王侑正書貞元十年十一月

金石錄

招隱寺朗然禪師碑

柳識撰釋常靜正書并篆額貞元五年十一月樹碑

復齊碑錄

東山懷一律師碑

皇甫政撰褚長文正書邱悌篆額貞元八年四月立

復齋
碑錄

愛同寺西院大律師碑

劉太真撰于頔書貞元八年立

諸道石
刻錄

東林寺律大德熙怡大師碑

許堯佐撰李行言分書并篆額貞元十二年八月建

諸道石
刻錄

惠昕大師碑

齊推撰正書姓名殘缺貞元十七年

金石錄

楚金禪師碑

沙門飛錫撰吳通微行書貞元二十年七月

金石錄

紫閣山州堂寺沙門飛錫撰學士吳通微書楚金姓

程氏長安人開元中建多寶塔於千福寺玄宗夢聞

其

闕

之德宗時中人竇文場言楚金其師也

闕

諡乃諡曰大圓碑以貞元二十一年七月立

集古錄目

書學之盛莫踰李唐今世雖紙爛墨渝而收者得其
一字猶鳳毛麟角不嫌于少多寶佛塔魯公之書遍
天下而通微此刻僅見之即此可以想見當時之盛
矣故世人有言者曰收藏貴富賞鑒貴精二者我今
見之印翁夫子矣原溥其世守之

立牘
記

吳通微為學士工行草然有譏其近吏者此碑清圓
婉逸雖鈎磔小減而亦微有晉之風度觀者當自得

之

石壘
鐫筆

楚金禪師碑沙門飛錫撰吳通微正書附奉勅追諡

號記在顏魯公多寶塔碑陰

金石文
字記

禪定寺通公碑

嚴綬撰顏顥正書永貞元年十一月建

復齊
碑錄

乘廣禪師碑

劉禹錫撰并正書元和二年五月

金石
錄

右唐乘廣禪師碑劉禹錫撰初余為金石錄頗采唐

賢所為碑校正文集之誤禹錫之文所錄才數篇最

後得此碑以校集本是正者凡數十字以此知典籍

歲久轉寫脫誤可勝歎哉

金石錄

大誓禪師碑

張和靖撰八分書姓名殘缺元和二年七月

金石錄

彌陀和尚碑

柳宗元撰并正書元和五年

金石錄

南嶽彌陀和尚碑柳宗元撰并書自唐以來言文章

者推韓柳柳豈韓之徒哉真韓門之罪人也蓋世俗

不知其所學之非第以當時輩流言之爾今余又多

錄其文懼益後人之惑也故書以見余意

集古錄

右唐彌陀和尚碑柳宗元撰并書以集本校之不同

者十餘字皆當以碑為正

金石錄

永興寺僧伽和尚碑

裴臚撰胡李良篆額費濤行書元和九年十月

後齋碑錄

般舟和尚碑

元和三年右般舟和尚碑柳宗元撰并書 子厚所

書碑世頗多有書既非工而字畫多不同疑喜子厚者竊借其名以為重子厚與退之皆以文章知名一時而後世稱為韓柳者蓋流俗之相傳也其為道不同猶夷夏也然退之於文章每極稱子厚者豈以其名並顯於世不欲有所貶毀以避爭名之嫌而其為道不同雖不言顧後世當自知歟不然退之以力排釋老為己任於子厚不得無言也

集古錄

右唐殷舟和尚碑柳宗元撰并書子厚頗自矜其書

然亦不甚工今見於世者惟此與彌陀和尚碑爾雖
字畫大小不同然筆法絕相似歐陽公以為不類又
疑他人借子厚之名者非也

金石錄

智浩律師碑

段文昌撰蕭延慶正書元和九年十二月

金石錄

大覺禪師國一碑

崔元翰撰歸登行書并題額元和十年四月建在徑

山

復齋碑錄

歸登書徑山禪師碑乃登騎省時書也字皆真行縱

橫變動筆意尤精

墨池編

章敬寺百巖大師碑

興元尹山南西道節度使權德輿撰尚書右僕射鄭
餘慶書大師名懷暉嘗居太行百巖寺因以為號碑

以元和十三年立

集古錄目

附章敬寺百巖大師靈塔碑

汴州刺史宣武軍節度副大使令狐楚撰吏部尚書

鄭綱書大師以元和中詔至京師章敬寺長慶初令

狐楚請賜諡及塔名曰宣教碑以大和三年立

集古錄目

右百巖大師懷暉碑權德輿撰文鄭餘慶書歸登篆
額又有別碑令狐楚撰文鄭綱書懷暉者吾不知為
何人而彼五君者皆唐世名臣其喜為之傳道如此
欲使庸愚之人不信不惑其可得乎民之無知惟上
所好惡是從是以君子之所慎者在乎所學楚之文
曰大師泥洹茶毗之六年余以門下侍郎平章事攝太

尉泥洹茶毗是何等語宰相坐廟堂之上而口為斯言邪臯夔稷契居堯舜之朝其語言尚書載之矣異

乎此也

集古錄

廬山峯頂寺臨壇大德法真碑

李弘慶撰僧雲臯正書長慶三年四月立

復齊碑錄

東林寺大德祭公碑

吉州司戶許堯佐撰吳郡陸蔚之書并篆額元和八

年端午建武宗時廢大中八年七月再立

復齊碑錄

大覺禪師碑

崔元翰撰胡李良八分書并篆額寶曆二年十一月

諸道石刻錄

涅槃和尚碑

武翊黃撰柳公權正書大和二年七月

金石錄

栖霞寺大德玘律師碑

劉軻撰僧雲舉正書大和四年九月

金石錄

齊餘篆額

復齋碑錄

衡岳寺大德瑗公碑

皇甫湜撰王翊正書大和三年正月

金石錄

龍興寺惠崇大師碑

釋好直述門人宗易行書大和五年十月建在餘姚

復齋碑錄

佛窟大師碑

韓

缺

撰張抱元正書大和六年

諸道石刻錄

在天台縣

輿地碑目

普安院左溪大師碑

檢校吏部員外郎李華撰孫承釗毛如浦等行書篆

額大和九年十二月立在浦江

復齋碑錄

華嚴寺法順大師碑

許康佐撰并正書開成二年

京兆金石錄

寂照和尚碑

開成六年段成式撰僧無可楷書顧玄篆額

金石錄

右碑楷書通勁無可名僧有詩集閬仙從弟碑舊在

縣西卅里馬跑泉鎮今移置縣寺階下夫物之善合
往聞未覩碑初出失跌土人以碌礧承之不相宜移
來方慮寺階下方石刻雲覆宛然以碑合之眇然原
跌不知何相遠也遇亦奇矣聞初康牧識而出之土
中牧號小山對山子也亦奇並記

金石遺文

此碑在咸陽西馬跑泉地中武功康子秀先生過而
識之以語土人豎於道旁其後王咸陽移之咸陽城
中寺以碑有安國寺字遂改名其寺為安國寺按碑

段成式撰僧無可書成式文筆自奇此碑為佛言尤
奇無可賈島從弟有詩集傳世其書法出柳誠懸而

優孟者子秀名粹太史德涵子也

石墨
鐫筆

大達法師碑

金石畧作大達法師端甫碑

裴休撰柳公權正書會昌元年十二月

金石
錄

大覺禪師二碑

一李吉甫撰蕭起正書大中八年十二月

金石
錄

一邱丹撰蕭起行書大中九年五月

金石
錄

水閣院律大德齊朗和尚碑

鄭素卿撰僧道真行書太和六年建大中八年重立

諸道石刻錄

圭峰禪師碑

裴休撰并正書大中九年正月

金石錄

圭峰禪師碑唐相裴休撰并書其文辭事迹無足採

而其字法世所重也故錄之云

集古錄

圭峰禪師宗密法門龍象第以多所游講著述一時

不能無疑於達摩慧能之宗旨而裴丞相休獨能知之然至累千言而為之辨則亦贅矣自心而證者為法隨願而起者為行行有殊法則一即四語已盡之是時柳誠懸銘書名天下僅以之篆額而自書文者深欲有效於密也書法亦清勁瀟灑大得率更筆意裴能知密為四依十地人其自待當亦不遠而沒後為于闐王子願姓名於背豈猶未能離輪迴耶抑亦所謂隨願而現者也記於此俟者宿質之

并州續索

此碑裴相公休撰并書法全出歐陽信本而瘦勁不及也當時柳誠懸書名動一時乃任篆休自任書亦信能書矣余不敏竊謂此固當勝柳書

石墨
錦華

圭峰禪師碑裴公美休撰并書柳誠懸篆柳書名噪一時視公美固在雁行裴博綜教相通徹祖心手書藏經五百函序諸疏論固是宰官禪那其父明肅越州觀察使又建龍興大佛殿先是越州沙門曇彥同許詢造塔未成詢亡彥師可百二十歲猶存岳陽王

將撫越彥曰玄度來也時詢亡已三十餘年弟子疑其耄忽岳陽果至以誌公密示先造彥彥遥乃曰許玄度來何暮昔日浮圖今如故岳陽曰弟子蕭訢何呼許玄度彥曰未達宿命拉入室席地以三昧力加彼岳陽忽悟前身造塔事宛若目前因重新二塔衆以殿事請彥曰吾緣力未至二百年後以待非衣刻石記之及裴至期應不爽遂為建塔觀此則裴公再世皈依宿因故碑能為其家言復無精詣何也

金石史

定慧禪師傳法碑

大中九年十月裴休撰并書柳公權篆額今在鄆縣

草堂寺

金石文字記

雲居寺主律大德碑

咸通八年潛江棲夷子何籌撰盧龍節度驅使官張

景琮書并篆額

國門近游錄

重建東林寺禪大德言公碑

苗紳撰裴光遠分書并篆額咸通九年十二月建

復齊

碑錄

盤山上方大師道宗碑

咸通九年沙門知宗撰節度判官梁知至書

吉金貞石志

興善寺普照大師碑

給事中張同撰禮部侍郎崔厚書大師名智慧輪
姓丁氏京兆杜陵人善西域咒法咸通中賜號遍覺
大師名所居曰大教注頂院僖宗初謚普照大師塔
曰彰化碑以乾符四年立

集古錄目

攝山栖霞寺律大德碑

王如玳撰沙門澄觀正書大歷四年三月建乾符五

年十一月重立

復齋碑錄

清涼國師越之會稽人得二王筆法大歷三年受詔

入內譯經攝山栖霞寺律大師碑國師所書也

宋瀘溪集

茱萸山存制大師碑

在崇陽之金界院乾符乙未趙諱撰

輿地碑目

雪峯真覺大師碑

僖宗時立王湏撰

與地碑目

補

廣德禪師碑

杜鴻漸撰徐浩正書大歷七年七月

金石錄

興唐寺主碑

撰人姓名殘缺顏真卿正書大歷中立

紫玉山禪師碑

李承翟撰屈師穆正書元和九年

金石錄

悟空禪師行業碑

咸通二年立盧求文

興地碑目

杜順和尚碑

杜殷撰董景仁書在長安開佛寺董景仁行書亦清

勁但小弱耳

石瑩鵝筆

比丘圓滿碑

銘石斷殘不能一半棄華嚴寺敗垣中書者不知何人筆法全出褚登善波拂處虬健絕倫銘內有神龍

二年并鎮國太平公主等語當是中宗時人習登善

書者

石墨
錫羊

比丘尼法琬碑

景龍三年僧承遠撰劉欽旦楷書

金石
表

補道安禪師碑

右道安禪師碑宋儋撰并書在戒壇寺西南按志載
傅梅云道安禪師碑廣平宋儋撰并書文尚可讀字
道勁多骨而風致超逸出李北海上末云建塔僧破

竈下損一字表中郎謂為神僧破竈墮余細辨損處
下從木不似墮字豈嵩山有兩稱破竈者乎可疑也
余謂此書雖有風致然用筆傾側殊遜北海書史評
儋書如寒鴉棲木平沙走兔是為似之耳至淳化閣
帖誤列儋書於秦程邈之後絕勝於此而黃山谷亦
稱儋書筆墨精勁又稱儋書姿媚尤宜於簡札惜不
多見則固當時名筆也今碑已於萬厯時雷轟為兩
截矣其下截為土所壓踰二尺許掘地得之文甚模

糊不可讀

嵩陽石
刻記

附

癸卯歲余過咸陽原有無畏不空禪師墓有塔記作
于開元二十五年書法似顏平原已經再刊亡其筆
意而敘述無畏過龍河一馳負經沒水隨之入龍王
邀入宮講法留三日經不濕一字又述不空于師子
國國王調象象奔逸見不空皆跪伏二事極詳多與
禪家所稱說合又辨西域僧咒傳奕事曰此好事者
曲為之詞若果有是正謂邪術不足以疵吾教也又

云佛制戒律生草猶不許比邱踐之况說斷人命咒
傳于世乎其文可觀因并錄于此

石墨
鐫筆

無年月及無書跋諸碑

興唐寺玄侶法師碑 無撰人名氏顏真卿書

訪碑
錄

圓通大師碑 裴廷裕撰張文祐捨手書

訪碑
錄

薦福寺臨壇大德戒律師碑 韓雲卿撰韓擇木分書

詣道石
刻錄

臨淮普光王寺主碑

柳公權書

金石
錄

處道和尚碑

歸登書京兆府

金石畧

晉惠遠法師碑

裴休書江州

金石畧

大戒德律師智舟碑

如筠雲禪師碑

楊遠書

正覺大師碑

在蘄州

金石畧

寶稱大律師碑

陳去疾書江州

金石畧

元畏三藏碑

沙門藏知篆

墨池編

同光禪師碑

靈迅書

墨池編

延祚寺禪門大德無積碑

盧簡求書

墨池編

珍畏和尚旌德碑

沙門溫雅書

墨池編

鏡空和尚碑

陸郾書

墨池編

悟空禪師行業碑

咸通二年盧求文

輿地碑目

如舜禪師碑

在金堂龍槐院節度使杜琮撰

輿地碑目

六藝之一錄卷七十八